

蕭

爽

齋

樂

府

蕭爽齋樂府目次

卷上 套數

北南呂一枝花

丙申年除夕

北中呂粉蝶兒

重過蔣南治休園有懷

北黃鐘醉花陰

早春西園宴集贈徐王縣

北商調集賢賓

寄懷滄洲李舜卿

北雙調新水令

雪夜集高玉機草堂

北南呂一枝花

酬梁保定

南南呂梧桐樹

過吳七泉山居

北仙呂點絳脣

送汪小村歸廣陵

北雙調新水令

吳門春泛

前調

元夕武靜軒友于堂宴集

南南呂金索掛梧桐

冬夜譚平橋江霞館宴集

北雙調新水令

曉發北河道中

北黃鐘醉花陰

壽徐太傅

南南呂青衲襖

寄情

北雙調新水令

湯沂東海上凱歌

北越調鬪鶴鶉

王西莊宴集

北雙調新水令

送吳懷梅還歙

北仙呂點絳脣

朱企齋園亭賞大紅牡丹

北正宮端正好

送葉仲西內臺

北南呂一枝花

姚秋湖市隱園

南南呂金索掛梧桐

春晚

北雙調新水令

寄情

北仙呂點絳脣

八十自壽

北南呂一枝花

嘲吳山人雪中招客游天界寺

卷下 小令

北小梁州

閒適五首

前調

詠漁樵牧四首

北沽美酒帶過太平令

四時謙爲侯家

南黃鶯兒 秋雨

前調 秋風

前調 秋月

前調 秋露

前調 新月

前調 新霽

前調 詠燕

前調 詠蝶

前調 春怨 二首

南一封書 閒適 四首

北沉醉東風 病起閒適四首

前調 挽徐髯仙

前調 憂早

前調 題永月仙姑

前調 贈方童子

前調 勸王都闕送米不足

前調 風情勸戲四首

前調 勸眇妓

北水仙子帶過折桂令 壽張沙南隱君

前調 壽許石城尙寶

前調

題梨泉爲淮南胡君

前調

題仙桂分香圖爲莆田陳侍御後人

北落梅風

詠蠅

前調

詠虱

前調

詠蚊

前調

詠蚤

北朝天子

寄酬杞縣張兌園昆季四首

前調

懷楚中故人

前調

煮茶

前調

秋雨

前調

秋燈

前調

問花

前調

問燕

前調

席上

前調

嘲金回回父子

北水仙子

酬友人寄扇

前調

廣陵夜泊

前調

暮春偶集任城村園亭

前調

中秋

前調

侯家雙壽

前調

友人嘗食以果餠湯餅甚美久而不能忘心作此譏笑

前調

夏日藪門謔集

前調

戲謝友人

前調

戲呈鍾怡山

前調

答王十岳病中見朝

前調

戲謝張右泉神劑

前調

奇選

北滿庭芳

進山追吳厚丘至揚州戲作

前調

長干春興

前調

朝高北橋送年節

前調 友人有以絹衣一襲見貽者偶爾
戲答

北醉太平 漫興四首

北脫布衫帶過小梁州 墮下詩尙寶召賞牡丹

前調 寄王生

北河西六娘子 閨情八首

北胡十八 風情嘲戲十首

南玉包肚 春閨集唐詩結尾五首

前調 秋閨集唐詩結尾五首

北清江引 酬美人饋酥餅

前調 酬美人饋香茶

前調 贈美人染指

前調 紗扇

前調 繡囊

前調 玉梳

前調 古鏡

南瑣南枝 風情集常言四首

前調 風情集常言四首

南玉芙蓉 四時閨怨四首

南駐雲飛 麗情二一首

北一半兒 陶情

蕭爽齋樂府卷上 套數

金陵金鑿在衡譔

北南呂一枝花

丙申年除夕

寒威正解權暖律初傳信星宮猶在丑木德
漸歸寅雖然是兩歲平分不爭這畫角兒胤
斷的今宵盡怎禁他曉鐘兒促迫的明歲緊
便總然添得些春色無多卻又早減去箇年
華半瞬

梁州第七

我則見鬧炒炒神儼烈竹亂紛紛茶壘懸門

況逢着初陽暗裏交殘閨我將這金花細翦
寶炬齊焚早難道賢愚共俗今古同聞歎芳
時快活殺王孫恨儒冠誤賺了閒人你便有
顏子賢免不的婦不織男不耕衣食關心宋
玉才賣不出神不驚鬼不怪文章打盹向平
高遣不去兒不成女不就嫁娶纏魂自思自
忖窮通只合由天分送甚麼窮鬼文說甚麼
錢神論且戀着深夜寒燈酒半温也當箇送
舊迎新

隔尾

盼着那青陽黃道開新運儘着他翠軟紅嬌
媚早春一任教黃蘗白髮挨孤困自我這無
官的守身無錢的守貧安樂窩中到頭穩

北中呂粉蝶兒

重過蔣南浚休園有懷

翠竹軒窗掩映着綠槐門巷淡濛濛煙鎖垂
楊帶隋隄連晉苑恍疑是習家池上想當日
醉倒高陽那裏也唱銅鞮恁般豪放

南泣顏回

細路遶羊腸福地從來蕭爽愛梨花院落更
和柳絮池塘追遊宴賞正融融煖日春韶蕩

歌唇似花吐猩紅舞裙如柳染鶯黃

北石榴花

自被那賣花聲驚起了睡鴛鴦武陵源何處
覓漁郎見放着五湖春水帶三江趁東風畫
槳載細雨紅香我這裏敞南樓明月看看上
捲簾時無限風光雖無甚錦層層金谷藏春
幃自他那浣花溪不弱似午橋莊

南泣顏回

江鄉芳草帶斜陽落花滿地文章丹青想像
分明一段瀟湘臨風鼓掌喜金蕉依舊羅屏

障儘山深臥穩煙霞任江空歌徹滄浪

北鬪鶴鶉

早難道寺遠林疏常聽的鐘鳴鼓響不爭他
水秀山明暢好是年豐歲穰莫怪我新來飲
興長怕園林春去忙儘着箇翠軟紅嬌一任
教蜂勞蝶攘

南撲燈蛾

漸新篁出短牆正乳燕繞雕梁向登臨幾回
開笑口斜倚定紫藤鳩杖忽聽的雞聲人語
怎知他竹掩梅藏剛落箇繁華過眼又一番

野塘新雨芰荷香

北上小樓

天開成綠野堂門臨着濯錦江見了些萬頃
波濤三徑松筠十畝柴桑早難道勝地不常
盛筵難再故人無恙不覺的對西風暗添惆
悵

南撲燈蛾

放懷處天高地廣賞心時風清月朗留連着
良夜歡提攜着長劍舞安排下淺斟低唱眼
見的金鷗送爽怎禁他玉露凋傷赤緊的流

光逝水卻又早碧梧涼影墮銀床

北尾聲

對南山苦憶陶元亮待到東籬菊正黃乘興
還來倒玉缸

北黃鐘醉花陰

早春西園宴集贈徐王

嫩柳雛鶯報春早春色到梁園多少寒已退
雪纔消細雨如膏漸滿地生芳草道月夕與
花朝歌舞叢中翠紅繞

喜遷鶯

見彩鸞黃鶴向瑤空擁下金鰲雲飄正星輝

月皎十二闌干花影搖天氣好透羅幃煖回
春信沁銀瓶香吐梅梢

出隊子

一簇兒綵花金詰耀龍紋宮錦袍繡屏開宴
飲羊羔畫棟凝香補燕巢但願長春人不老

么篇

花霧裏銀箏斜抱粉香中檀板敲再陳水陸
出珍庖重按霓裳舞細腰更染霜毫揮醉稿

刮地風

見塵寰驀然成海島鳳樓中幾度吹簫牡丹

亭歌徹清平調簾捲生綃出瓊林九醞葡萄
獻瑤池千載蟠桃海棠嬌芍藥嫩天付妖嬈
怯荼蘼香夢老愛梨花淺淡粧描

四門子

天桃豔李兼含笑問春工何太巧金樽莫惜
頻傾倒賞芳時須及早花擁着堤柳拂着橋
指湖山遠通雲竇小蜂陣兒狂蝶翅兒飄趁
清波一雙嬌鳥

古水仙子

喜相逢皆俊髦聽了他白雪陽春曲轉高剛

道是文雅桓伊不爭這風流袁紹一箇箇吐
襟懷雲漢表怎教他公孫弘不重東閣白馬
翩翩壓錦貂戟門朱履金花帽還來學吹笙
江上覓王喬

尾聲

錦繡園林見應少儘千金一刻春宵尙兀自
賞不盡風光無限好

北商調集賢賓

寄懷滄洲李舜卿

自別來嬾斟花下酒非酒病爲花羞花有意
難傳幽恨酒無情不解眞愁近新來滿眼傷

春更和那困人晴晝梨花院落芳杜洲拚了
個雨拖雲逗這些時楚天高遊雨散巫峽遠
彩雲收

挂金索

常記的低簌珠簾露濕湘紋皺深鎖蘭堂人
在湖山後慢理瑤箏指滑冰弦溜困倚薰籠
香暖流蘇透

金菊香

到而今餘情都付水長流往事難將筆盡鈎
苑邊落花堤畔柳誰共追遊羞燕語妬鶯喉

醋葫蘆

我這裏盼泥金小柬遲寄香羅離恨久近新
來御溝紅葉傍誰流常則是牢繫在心苗閒
掛在口不離了黃昏清晝到而今碧雲明月
兩悠悠

後庭花

想當初睡鴛鴦沙上偶今日箇折鸞鳳枝上
友想當初醉夜月芙蓉帳今日箇鎖春風楊
枝樓想當初乍相離剛暮秋挨過了春前春
後我這裏望天台雲又稠指藍橋水暗流盼

桃源花盡休遊絲兒抓斷了頭靈龜兒占罷
了手喜鵲兒啼破了口

青歌兒

這幾時精神精神倻恁語言語言差謬總把
新詞訴舊愁曲載蘭舟淚濕江州人阻青樓
惱亂蘇州望不斷碧天銀漢遠橫秋歸雁杳
驚鴻驟

金菊香

當日箇寶簪曾爲故人留到而今錦字翻成
薄倖羞金釧剖來和淚收早則是相會無由

一件件在心頭

浪裏來煞

春殘花事餘秋老人歸後半年來猶自夢滄
州花閒按歌燈下酒盼不見翠裙紅袖好教
我傷春來已復悲秋

北雙調新水令

雪夜集高玉機草堂

海天寥廓凍雲同霎時閒遍天街一場風送
玉蟾光漸吐銀漢影初橫相會匆匆漫傾倒
市頭甕

駐馬聽

酒斲杯濃雲母屏前香種種夜深簾控梅花
枝上月溶溶誰呼巽二駕驪龍頓令騰六翮
珠蚌苦留連更漏永主人情意偏教重

雁兒落

想着他尋詩的興不同訪友的情難共怡妝
成蕉葉圖誰打破梨花夢

得勝令

見放着六出泄春工三白兆年豐說甚麼抵
尾狐裘破儘着他羊羔錦帳重玲瓏一密裏
歌喉送朦朧百忙的醉眼慵

川撥棹

我和你乍相逢分明的擅南州高士風到而今誰識人龍自笑宴鴻枉費雕蟲不入非熊儘着他文德武功下場頭都是哄

七弟兄

看着你眼空志雄氣如虹管甚麼三略淮夷頌上下的千載景陽鐘再休提一枕邯鄲夢

梅花酒

我和你志已同短棹孤篷浪跡浮踪翠篠青松這塔兒權和哄誰不道老王通更何人似

孔融白着眼傲五公掀着腳踏英雄納着頭
訪詩翁攜着手覓仙風

收江南

恰纔箇光搖銀海眩西東天邊時出兩三峯
燒殘銀燭夜堂空把黃紬自擁一任教黑甜
鄉外日生紅

北南呂一枝花

酬梁保定

雲臺舊策勳麟閣新圖畫簪纓百世澤茆土
五侯家安享榮華身隨着錦爛爛五鳳雲中
駕手披着碧粼粼雙龍背上甲見放着高從

聳報德金貂忘忘卻赤碌碌收功汗馬

梁州第七

常好是近臣知天顏有喜遠人懷帝德無涯
見而今太平景象昭夷夏衣冠世美禮樂京
華朱輪絳節大纛高牙說家藏半卷丹書指
皇宣幾道白麻止不過伊周事業更和這孔
孟言詞且休提湯武征伐世家大雅不爭你
三千劍客居門下甚的是漢爲王楚爲霸別
有箇酒伴詩朋興趣佳少甚麼秋月春花

隔尾

從來禮數知寬大更比儒生多俊雅早難道
布袍軒冕同聲價愛你箇孟參軍曠達庾元
規瀟灑將俺那嵇叔夜風情調弄發

南南呂梧桐樹

過吳十七泉山居

生來灑落懷還盡風流債酒友詩朋一任誇
豪邁鶯期與燕約總是春前帶蝶夢與蜂魂
枉被花禁害麗春園贏得名兒在

北罵玉郎

閒來一枕青山外甚的是南柳市北花街見
而今白雲久隔紅塵陌糊塗了三百杯打熬

出三萬場超脫盡三千界

南東歐令

閒亭榭小樓臺半畝方塘一鑑開好山似畫
溪如帶粧點出煙霞寨桃花流水徧天台切
莫引世人來

北感皇恩

儘着他春去秋來霧鎖雲埋吟不就杜陵詩
寫不出王維畫賦不盡子雲才自然鋪敘誰
與安排清風振麗澤堂淡煙生水竹塢明月
滿掛蘭齋

堂鳴齋皆其所築也

南浣溪沙

鶴唳中猿啼外別一箇幽雅襟懷不爭你玲瓏剔透疏狂態雪月風花錦繡排無處買這的是洛陽隄壽春莊有人綠野重開

北採茶歌

青松嶺手親栽綠荷裳手親裁陶潛元是舊彭澤落得箇日出三竿殘睡醒少甚麼月明千里故人來

南尾聲

酒三行歌一派紫藤鳩杖白芒鞋隨處春風

不用買

北仙呂點絳脣

送丑小村歸廣陵

四海高情五湖佳興詩中景都收入半卷丹青落魄煞拍手歌隨心令

混江龍

他可也樂天知命不通姓字不言名漁樵故侶鷗鷺閒盟歡樂較多愁較少道情爲重利爲輕身不離棋枰藥裏口常談酒頰茶經滿面兒春風和氣一腔兒秋水澄清

天下樂

落得箇半世青袍白髮生想着他前程水上
萍暢好是哭窮途阮步兵纔看破眼角兒怕
待睜慣轉動腳跟兒怕待行剛溫熱心腸兒
怕待冷

那吒令

想着他與風雲狀形筆精于右丞托江山寄
情詩工于少陵今日箇困林泉此生氣平于
禰衡甘守着原憲貧枉耽了相如病常自惺
惺

鵲踏枝

愛你箇老先生最多情，不忘了十載交遊。又無甚千里途程，駕着箇苕溪小艇，緊彎住曲水閒亭。

寄生草

只把你爲平仲休猜，咱是管寧我和你五侯。七貴曾相並，幾番家九衢六市閒相競看了。些干紅萬紫爭相勝，還只待新筍一醉洞庭春。誰承望故人三疊陽關令。

么篇

漸漸的秋容改，看看的暮景生。我只見半天

殘照風帆正數聲
短笛漁舟橫霎時間一江
涼月蘆花暎明朝騎鶴上揚州
何時載酒來
陶徑

六么序

聽落葉干林響正潮回兩岸平
最相關此際離情你可甚門掩
孤檠漏下三更尙猶自擁寒衾
夢繞金陵我這裏愁心况復逢
衰病怎禁他一片秋聲芙蓉未
老霜華冷驀忽地涼颼漸起殘
月猶明

賺煞尾

還將來歲盟重與今宵訂須記得江南風景
切莫教霜寒雁影等閒間花老鶯聲錦層層
只恁般水秀山明依舊王孫芳草青遮莫你
樓書着摘星橋題着廣陵爭如俺莫愁湖畔
石頭城

北雙調新水令

吳門春泛

春光二月滿姑蘇正瀾漫柳煙花霧煖風薰
醉眼寶馬趁香車縹緲雲裾邀仙子坐天路
南二犯江兒水

有綠水青山無數分明是幻瑤宮噓洞府見

山明疊翠水繞平蕪
恰初晴江上雨花軟
趁蜂鬚泥香飛燕
雛漫說西湖爭似東吳
果然的并燕歌兼趙舞
看幾處丹青畫圖更一代
風流人物端的是俯千秋
高萬古

北雁兒落帶過得勝令

我則見天連震澤湖水繞
楓橋渡清風陸羽泉
落日梁鴻墓此地是仙都
何處訪蓬壺雨過山偏
好人歸鳥自呼笙竽正天籟
鳴琪樹雲衢漸靈風響玉除

南夜行船序

懷古笑殺強吳歎當年誰覆一抔黃土傷情
處剩水殘山空餘丘墟多少春光來往遊人
幾番烏兔風雨但尋常宮闕又成禾黍

北川撥棹

我恰纔怨陶朱載西施浮子胥到而今野店
荒墟細柳新蒲芳草長途廢沼平湖尚猶自
蘭橈畫櫓怎教他春做主

南孝南歌

春猶戀酒再酤明日看花花有無金犢駐游
車玉碗洗行厨喜相逢吹簫伴侶行盡旗亭

和不就陽春句山氣佳人影疏樓外樓渡傍
渡

北清江引

桃源望來何處所笑咫尺迷歸路樓船天上
回簫鼓雲中度江頭小蟾猶半吐

南尾聲

切莫教鶯花漸老春光去攏斷的芳心無主
把歡娛恁般孤負

北雙調新水令

元夕武靜軒友于堂宴集

聚星堂粧點做藥珠宮正歡娛一年初動月

三天
去
明天萬里燈燦錦千重十二簾櫳珠絡簌玉
鈎控

駐馬聽

寶髻盤龍一派霓裳紅袖擁碧簫銜鳳兩行
雲珮絳紗籠香風不斷綺羅蕙紫霞偏瑣瑠
璃洞看天街人亂冗少甚麼六朝佳麗風流
種

雁兒落

我則見春香掌上生春意懷中動春聲雲外
來春色簷前弄

得勝令

這的是春滿畫堂中人在錦屏東玉漏三更
下銀河一水通離離每夜笙歌共匆匆誰家
笑語同

甜水令

喜的是四海昇平萬民鼓舞千年歌頌準備
下三祝獻華封只爲他荆樹聯芳燕山並美
謝池同夢因此上一堂和氣藹春風

清江引

良時況值清宵永一刻千金重重開花底筵

再解牀頭甕把金尊笑吟吟燈下捧

梅花酒

看他每興轉濃騰駕飛虹浩發天風縹緲仙
踪隔蓬萊山色重望瑤池海天更扶桑向
東煙靄靄霧濛濛春蕩蕩煖融融星燦爛斗
縱橫歌白雪奏黃鐘魂夢裏畫圖中

收江南

霎時間彩雲飛下九華峯畫樓撞斷五更鐘
尙猶自錦堂銀燭影搖紅歎閭浮易哄人生
此樂最難逢

南南呂金索掛梧桐

冬夜譚平橋江霞館
宴集

茅堂夜正寒竹院風初透短炬高檠坐徹沉
沉漏長空漸覺移珠斗香老梅花影落孤山
瘦雲暗江天聲斷驚鴻驟天涯幸與同杯酒

東歐令

重開宴復藏闌秉燭何妨夜夜遊風流那在
他人後詩酒聖江山秀六朝煙月五湖秋都
一樣錦囊收

皂羅袍

一任你紅塵拖逗笑黃梁易醒白雪難酬籬

邊誰放剡溪舟門前自種先生柳月明天際
爲君少留雪晴江上爲君少留相逢更道何
時又

尾聲

瞬息間新春候有花還可插盈頭人世難逢
開笑口

北雙調新水令

曉發北河道中

曉鐘殘月亂雞聲我這裏望長河水天相映
餘薰香未冷殘睡酒初醒薄利浮名鎖不住
故園興

雁兒落

我則見煙空草際平
雨洗山光淨
幾聲霜杵
高一點風帆正

得勝令

千里盼歸程
萬種切離情
松菊三秋老
風塵兩鬢星
伶仃酒病兼
愁病飄零
長亭更短亭

落梅風

干了些朱門貴
謁了些黃閣卿
將他那五陵車馬
跟隨定
把兩片破皮鞋磨的
來無踪影
落一箇腳跟乾淨

慶東原

那裏也鳴孤鳳何曾是釣巨鯨臥龍的終久
逢三聘空惹的心離了管寧情疏了晏平義
絕了張衡還自待擔書策走齊滕奮羽翼遊
梁鄧

川撥棹

我而今盼不的到秣陵水雲深霜露冷鷺約
鷗盟鶴唳猿聲月榭風亭酒伴詩評到處裏
幽溪峻嶺有誰來閒論爭

梅花酒

只恁般假志誠攜手兒同行笑臉兒相迎滿
口兒應承他恰纔眼角兒不睜我可甚耳朶
兒偏靈這塔兒須記省誰拙也誰能誰濁也
誰清枉了我營營誤了我惺惺辭別了賢兒
歸去也先生

收江南

我只待閒來江上坐吹笙幾回花底聽調箏
等閒風浪不須驚休得要再逞青袍今已誤
儒生

北黃鐘醉花陰

壽徐太傅

威德當朝震寰宇扶日月光臨九土歌麟趾
美騶虞玉牒金書歷萬載昭千古看天上奉
鸞輿穆穆清風仲山甫

南畫眉序

夔契佐唐虞整頓商周在伊呂見八朝經濟
一代規模立巖巖太華孤峯當屹屹中流砥
柱世無昔日推房杜於今不數夷吾

北喜遷鶯

似長城般遮護保東南瘴癘全無誰如歎開
疆展土端的是首建麒麟閣上圖天付與弘

景運林鐘乍叶際明時眞宰方儲

南畫眉序

崧嶽降神初纔見生申又生甫正百靈垂祐
萬象昭福日瞳瞳鸞誥齊頒星粲粲龍珠雙
吐紫姑謾說神仙府人間自有蓬壺

北出隊子

剛道是九華仙部聽清歌聞妙舞分明小玉
慣通書彷彿飛瓊暗步虛道上品天廚臨帝
居

南神仗兒

南薰卻暑縹緲丹梯逍遙玄圃望中淡煙輕
霧露瀼瀼靈芝瑞草異花奇樹風飄落綵霞
裾香散滿碧紗厨

北剗地風

見見見長虹飛一縷早黃鶴走下天衢玳筵
前好景應無數綠柳紅蕖雕闌護百尺珊瑚
金屏貯九節菖蒲水晶圍珠翠繞人在清虛
藕絲陳冰簟鋪注瓊漿紫玉盤盃

南神仗兒

擁出先天混元祖共嬰兒和姮女羽蓋霓幢

來往相逐鶴髮虬髯齊拜呼說蟠桃今又熟
北四門子

儘佳山麗水天然趣一箇箇獻神龜呈寶鹿
錦堂中交錯皆奇物道誇今還耀古龍引着
駒鳳引着雛王侯家本爲天眷屬河出着圖
洛出着書少甚麼蟬聯珪組

南闌樊樓

將相雙權兵農共撫願康寧享百祿願壽考
增五福籌添海屋共神人永安樂土

北古水仙子

我我我願有餘他他他世守河山帶礪書喜
喜喜豐樂時年剛剛剛太平節序他他他把
妖氛盡掃除我我我唱雲謠再進醺醪柏葉
椒花頌怎如有一日染丹砂和入金莖露爲
公作三祝華封圖

南尾聲

楚元王開下招賢路越顯的經文濟武卻笑
申公是腐儒

南南呂青衲襖

寄情

躡香肩鬆臂金試春羅寬帶錦這些時嬾把

生綃理針紐羞將寶鴨添水沉自別來只到
今幾曾時放下心不能勾一霎徘徊兩意綢
繆只落箇孤眠獨寢

五更轉

閒鳳綃虛鴛錦誰與同珊枕淒涼此際難消
任何事相如薄情特恁到而今猶記得花前
飲鎖窗寂靜空顛簪彷彿逢君梅花月蔭

東歐令

盼不的腮邊枕口中噙只會向陽臺夢兒裏
尋桃花露冷胭脂沁滴淚滿衫兒衽畫闌東

畔粉牆陰無奈漏沉沉

大迓鼓

逢人曾細審奈紫鸞聲杳錦鯉音沉自把閒
愁禁怎當他夕陽芳草暮靄平林拚卻風流
鬼病侵

浣溪沙

他負心特恁甚苦一似肺腑簽針金錢不准
年來識錦瑟空閒月下吟身凜凜不由人失
迷魂沒台煞爲他吊膽提心

節節高

愁容著意臨漫思尋幾番欲寫還斷際難自
禁因此甚霜毫血醮尖兒浸綵牋墨灑行兒
淋一緘離思逐雲飛滿身香汗和衣滲

金蓮子

寄信音多情若見機中錦知他是長吟也短
吟不甫能剛離遠水又阻修岑

尾聲

有一日終須恁大拚一片志誠心將他那山
海樣恩情付與您

北雙調新水令

揚沂東海上凱歌

元戎十月凱歌旋定天山止憑了三箭劍橫
征袖冷血染戰袍鮮掃蕩了瘴海蠻煙齊列
着太平宴

駐馬聽

想當初蔽日遮天百里旗旛衝卽斷奔雷逐
電兩行衣甲射背穿秦兵自含笑符堅楚人
未可輕王翦這其間功最顯赤緊的東風又
與周郎便

雁兒落

他他會身當着虎豹關今日箇手捧定蛟龍

秀他他曾陣開着魚鳥圖今日箇名列在麒麟殿

得勝令

單倚着三尺舊龍泉一柱可擎天白玉腰間帶黃金肘後懸凌煙破胡虜張仁愿燕然卻秦軍魯仲連

甜水令

也是他銳意三邊威聲萬里丹心一片眼見的滄海變桑田見而今畫戟朱輪玉關金鎖綸巾羽扇落得箇清露飲貂蟬

川撥棹

常只是掌威權剖三刑明六典還自待拔俊
登賢濟困扶顛把圯上兵書一卷保皇圖成
宴然

梅花酒

耳聽着帝主宣戎馬翩翩征鼓闐闐笑語喧
喧況值着豐稔年邊塞上枕戈眠把妖氛都
盡捲瞻舜日樂堯天歌君德頌臣賢歸農業
復民塵清疆宇淨川原時雨降惠風扇

收江南

我則見壺漿十里湧流泉
笙歌百隊滿樓船
丈夫意氣小
祈連看收兵罷戰
春風環珮好
朝天

北越調鬪鷓鴣

王西莊宴集

煙水千折雲山萬疊
雨洗孤村天垂四野
遠霽飛虹驚湍噴雪
景自別意自愜喜的
是歲稔年豐愛的是
人靈地傑

紫花兒序

見遠近野橋橫帶出西東
小徑回通儘參差
怪石欹斜
欿櫛低護松障
平截奇絕行盡春

風路轉賒看了這錦亭芳榭更花飈蜂鬚柳
軟鶯舌

金蕉葉

我則道隱仙源桃花暗接卻原是隔塵寰扶
桑牛遮聽淅淅靈風亂惹正冉冉幽香漸泄
調笑令

暢好是這些再添設見而今美景良辰厮媿
者想風流自有東山謝笑石家金谷豪奢又
不比序蘭亭的枉自嗟卻與那賦歸來的意
趣相協

禿廝兒

這的是開東閣張羅了俊傑不爭你臥南陽
埋伏着龍蛇比着那西園北海分外的別到
頭來樂事有差迭癡呆

小桃紅

果然的醉鄉花趁玉山斜能幾箇千金夜況
逢着有花兼有月省可裏共歡悅月團圓花
又無凋謝這其間遊人氣俠主人情切風景
不須賒

聖藥王

酒未竭席未徹一任教翠擁與紅遮歌暫輟
舞暫歇管甚麼釵驪與簪折明日再相挈

尾聲

繁華併入農桑社占斷了五湖煙月從今後
儘杜甫做詩題任王維當畫寫

七雙調新水令

送吳懷梅還歙

緩風芳草徧天涯帶滄江遠山一抹六朝隄
畔柳三月寺邊花離緒交雜說不盡去時話

駐馬聽

少日豪華狼藉千金頻試馬當年聲價飄零

數載遠攜家巖頭空自老桑麻眼前那得辭
婚嫁總留連無半霎赤緊的歸心漸遠都門

雁兒落

我則見西風雙漿鳴落日孤帆挂鶯聲巧似
黃山色明如畫

得勝令

空對着野水漾晴沙老樹噪昏鴉極浦招漁
艇前村問酒家行咱客舍逢初夏觀咱長天
暎晚霞

川撥棹

我和你舊情洽鬧場兒閒戲耍你可甚判柳
評花喚酒呼茶嫩蕊奇葩翠袖紅牙別一個
襟懷瀟灑笑春風兩鬢華

七弟兄

遮莫你敬咱愛咱總非他只爲我慣風情不
在他人下弄風騷羞向外人誇逞風流一任
傍人罵

梅花酒

你那裏風景佳有萬頃煙霞誦一卷南華就

九轉丹砂栽兩行陶令柳種幾畝邵侯瓜這
塔兒快活殺有一日臨帝闕載仙槎乘彩鳳
握黃麻鳴四海震三巴

收江南

霎時間溶溶月色上檐枒趁着箇離離花影
過窗紗幾能勾笑沾春酒到君家下陳蕃舊
榻再將幽恨訴琵琶

北仙呂點絳脣

朱企齋園亭賞大紅牡丹

麗日偏長煖風初蕩亭臺上多少春光堪與
遊人賞

混江龍

這的是主人清況等閒開宴出紅粧絳羅高
捲繡幕低張萬種妖嬈誇國色十分佳麗逞
天香喜孜孜輕颺石榴裙顫巍巍嬌閃芙蓉
帳想當日羞稱魏紫到而今誰數姚黃

油葫蘆

自古名園說洛陽試看那月波隄棠棣坊一
任教五陵豪貴盡爭強那裏也蜂蝶閒來往
儘着他桃李爭開放歎芳時有幾多賞花時
能幾場早蕭蕭白髮三千丈怎禁他春色笑

人忙

天下樂

看了這笑臉生春酒暈香新粧點胭脂上海棠恰勝似列金釵十二行自你那買花錢不害疼惜花心偏較癢還只待醉佳人錦瑟傍

那吒令

纔出的洞房溼浸溼露涼剛行過粉牆煖融融日光恰來到畫堂漸微微雨香金粧成西子圖玉碾就楊妃像怎教他美名兒不占花

王

鵲踏枝

我這裏細度量不尋常着句兒推敲好話兒
包藏不爭你能培慣養落得箇豔抹濃粧

寄生草

也不用元興賦三千字也不用太白詩一兩
章常只要名花歲歲尊前放芳尊日日花前
釀清歌夜夜燈前唱便有那美言詞序不盡
你好襟懷巧丹青畫不出他嬌模樣

賺煞尾

說風流眾怎如論富貴花皆讓况值着清和

豔陽燕子飛來簾半敞
醉淋漓舞袖郎當轉
迴廊月色蒼蒼猶自傳
杯夜未央剛離了芍
藥圃傍卻又早沉香亭上
愛你箇白頭翁常
伴着紫雲娘

北正宮端正好

送葉洋西內臺

雪纔晴寒猶重正扶桑曉日瞳瞳
宿醒未解
離歌動驚起幽人夢

一滾繡球

我恰纔望霓旌霄漢間走天街
塵霧中也不
知繞畫橋幾多車從鳳臺西白鷺洲東詩吟

勾三五篇酒斟來十數鐘他那裏錦鶻低控
紫貂裘斜壓青驄迢遙江樹人千里縹緲雲
山路幾重別恨匆匆

倘秀才

我只見風灑灑寒潮亂湧煙漠漠孤峯半聳
回首天涯西復東嗟浪跡歎浮踪離懷萬種

賽鴻秋

我這裏年來萬樹桃花洞春來幾句梨花頌
閒來一枕梨花夢醒來數曲梅花弄雖爲堯
舜農不識商周貢爭如恁孤鳴久作丹山鳳

脫布衫

本先朝禮樂名公況傳家忠孝門風論道德
常遵周孔說勳庸久推姚宋

小梁州

恰道當年許敬宗慣追尋清白遺蹤百年宦
轍喜初通還珍重更詞氣靄雍雍

么篇

美才只合爲時用豸袍寬滿面霜風思雅致
懷高詠止不過暫時閒陪奉何一日再相逢

賀郎兒

又買了幾盞兒江頭新饗急切裏醉不了我
衰年老翁見放着竹爐湯沸火初紅那些箇
暮雲春樹渭北江東只落的野渡無人舟自
橫

醉太平

從今後輕裝細雨匹馬西風行行遙聽景陽
鐘望天門九重黃塵古道衝寒凍青燈旅館
添歸夢白雲親舍覓征鴻正值暮冬

煞尾

南臺萬里重相送北闕三年始奏功那時節

聖明端拱九五飛龍環珮春風獨向新年荷
新寵

北南呂一枝花

姚秋澗市隱園

靈源隱帝畿勝蹟通仙苑華林開廣畝芳草
接平原雖然是城市相連指碧海天邊見望
滄江雲外捲四時中景色偏宜六朝餘風流
不淺

梁州第七

我則見鍾陵山千重翠靄石頭城萬點蒼煙
更和那清溪一帶明如練儘着他繁花耀日

老樹參天一羣啼鳥幾處鳴蟬綠楊如陶令
門前紅蓮似周子溪邊早難道吹臺高李白
尋詩習池佳山公醉酒草堂幽揚子談玄比
着那息園東橋顧氏築也快園靜仙徐氏築也幾十年文物
人爭羨發揚深品題徧得箇王維畫輞川意
趣天然

罵玉郎

遮莫我春風醉眼翻歌扇一處處列芳筵玉
林滿耳秋聲戰帶瀟湘萬頃煙愛中林堂更
偏目不見紅塵面

感皇恩

少甚麼容與臺前春雨畦邊觀生處靜如山
思玄室大似斗洗硯礮小如拳一任教鷗波
蕩漾鶴徑盤旋傍羲之鵝羣閣近元規海月
樓當陸羽煮茶泉

採茶歌

浮玉橋繫漁船秋影亭漱流泉幽居萃止也
陶然更有那柳浪隄頭芙蓉館興來還欲借
菴眠

隔尾

醉深不覺遊人倦樂極方知地主賢越顯的
白頭貴也黃金賤有一日趁煙花滿川載絲
竹滿船重把江湖酒量展

南南呂金索掛梧桐

春晚

鶯停柳外聲燕繞梁閒語萬紫千紅水面飄
香絮凭闌細把花期數九十春光一點知何
處一寸柔腸萬縷還千緒那堪幾陣無情雨

東歐令

天涯路老蘼蕪舊日王孫歸去無吳歌越吹
青樓暮多少銷魂處東風無力倩誰扶羞傅

粉怨調朱

皂羅袍

冷落綠窗朱戶漸凋零寶馬香車荼蘼香霧
怯羅襦桃花歌扇閒金縷一簾清夢偏驚杜
宇滿懷幽思愁聞杜宇芳心似共春無主

尾聲

把歡娛休孤負還只待滿身花影倩人扶醉
倒黃公舊酒壚

北雙調新水令

奇情

碧雲迢遞雁南征瑣重門小窗人靜可憐清

瘦影羞對短長檠愁緒牽縈積漸的弄成病
駐馬聽

後約難憑屈指佳期成畫餅前言不應惱人
閒事阻歸程幾番人去苦叮嚀一紙書來勞
記省盼多情不見影怎忘卻風流樣子溫柔
性

喬脾兒

只爲他椿椿兒且是能件件兒都相稱因此
上出格的將他敬恨不的口中噙頭上頂

雁兒落

憑着他今世情也是咱前生命據着咱今世盟也是他前生定

得勝令

這些時冷落了翠幃屏寂寞了錦香亭漸漸的秋將盡看看的春又生歌聲怕向樽前聽
砧聲愁來枕上聽

甜水令

赤紫的白髮先疎青衫易濕紅顏薄命空教我無語自招承到而今錦鯉誰通金烏易擲
綠鴛難並怎教人不怨別離輕

折桂令

這些時悶厭厭數盡寒更又無甚遠水遙山
空耽着薄利微名常自孤零有誰作伴共我
閒行只恁般虛飄飄遊魂易醒因騰騰殘醉
難醒風自多情月自多情雲也無憑雨也無
憑

尾聲

有一日煖雲重護鮫綃擘別一箇畫屋春生
猶記的花前惆悵綺羅香月底歸來珮環冷

北仙呂點絳脣 八十自壽

八十年來三千里外關西派浪跡江淮留得
殘軀在

混江龍

今日箇幸逢昭代宜家禮教未曾衰喜的是
唐虞善化周召憐才皇風正洽紫氣重來又
無甚三徑松筠彭澤里那里也五陵車馬洛
陽街但逢人常結箇喜歡緣算謀身止欠下
風流債畢罷了眼前婚嫁消磨盡世外行骸

油葫蘆

想當時曾向齊門鼓瑟來歎流光如過客幾

番花落又花開出門苦恨江湖窄到頭始覺
乾坤大歷冰霜枉了半生困齏鹽勞了數載
伴着些采花人爭向天街賣落的箇燕妬與
鶯猜

天下樂

見放着十里青山玄度宅寄語同儕不是我
占塲兒慣打乖試看取傍青溪蕭爽齋指桃
源有路通認天台無藥采切莫引世人相逐
來

那吒令

有時節騁懷登李太白吹臺有時節愴懷慕
阮嗣宗嘯臺有時節放懷過嚴子陵釣臺但
得箇到百年這便是超三界說甚麼闔苑蓬
萊

鵲踏枝

也是我好安排暗裁劃受用足翠篠青松白
石蒼苔若不是身離苦海怎免的夢墮顛崖
寄生草

也不用平胡表又何須安漢策想楊雄老去
玄心在東坡酒醒禪心在相如病起琴心在

憑着箇枯柺數子透仙關常好是浩歌一曲
鳴天籟

賺煞

樽酒舊藏醅野圃新挑菜座擁着春風醉客
早難道歲月都將麴蘗埋儘逍遙布韞青鞋
見庭階蘭桂爭開少甚麼白髮烏紗照彩萊
喜故人不衰願明時常泰遙望着極天雨露
徧枯荄

北南呂一枝花

喇吳山

雪中招客游天

常教酒欠錢只把詩還債江湖容易老歲月

好難捱無計安排又恐怕親朋怪強將葷素
擺那里也樂陶陶雅集西園怎如他喜孜孜
尊開北海

梁州第七

他待學豪放朝朝走馬逞風流日日登臺揀
了箇好時好節遊天界請了些狂朋怪友驚
動了後巷前街又無甚肥羊美酒那里也翠
袖金釵赤緊的着一塲漫天雪趕的來北走
南奔被幾陣扇山風刮的來東倒西歪一箇
跑的來喘吁吁往僧舍忙鑽一箇凍的來戰

疏疏將村醪旋買一箇餓的來荒張張把攢
盒齊開恰待要放懷大賽止不過殘魚剩肉
和醃菜喫的凶收的快一箇箇都將空肚子
推拿着箇佛主兒當灾

罵玉郎

那里也參禪解下東坡帶只管里白打渾死
粧呆見放着天寒日短時光快惹下些寡酸
丁並無箇賢施主又撞着老撞才

感皇恩

喫了他一頓清齋費了他幾貫私財弄的箇

金自誇難以開言閃的箇楊喫寺何曾到口
耍的箇張醫官怎去平脈一箇家弩唇棒嘴
一箇家爬耳揉腮一箇吟幾首送窮詩一箇
念幾聲消災佛一箇說幾句大言牌

採茶歌

把一箇老鄉官跌倒在長街把一箇窮居士
斷送到荒崖他每都不圖葷酒喫長齋那里
也一曲昇平人盡樂只落得滿頭風雪卻歸
來

賺煞尾

有幾箇欺生的外祟都不在有幾箇怕遠的
親人又不來果若你山人好客情無懈從今
後把賢門大開將華筵再擺少甚麼一食三
干孟嘗客

蕭爽齋樂府卷上